

Romano Pontifice pro tempore existente specialiter, non autem vigore Cruciatæ, seu cuiuslibet alterius concessionis, aut privilegii ab eadem Sede pro tempore emanati, & emanandi absolvi posse declaramus, solium præsent in manibus tuis juramentum.

Contrafacien- tes ad restitu- tionem teneri vult.

§.6. Insuper etiam volumus, quod quicumque alii Ministri, & Officiales Regii, cuiuscumque conditionis, qualitatibus, & præminentia, specialique nota digni sint, eandem pecuniam in toto, vel in parte in alios quam prædictos usus sub eisdem censuris, & pœnis ipso facto incurrendis convertere non possint; quodque in eventum contraventionis, seu inobservantia omnium, & singulorum præmissorum, vel cuiuslibet eorum, præsens gratia nulla sit, prout illam ex nunc tenore præsentium nullam fuisse, & esse, contravenientesque ad restitutionem teneri, & non nisi facta actuali restitutione absolvi posse.

Elapso autem sexennio ve- stigal exigi vetat.

§.7. Similiter declaramus, ac etiam decernimus, quod sexennio huiusmodi elapso, & interim si, & postquam prædicta summa quadringentorum millium Cruciatorum in Civitatibus, Oppidis, & Locis prædictis prædictorum Regnorum, excepta Civitate Ulixbonen. huiusmodi, decursa, soluta, seu exacta fuerit, præsens gratia expiret eo ipso, nec sub eisdem censuris, & pœnis ipso facto incurrendis gabella, seu gabellæ prædictæ ulterius exigi, minuscve super eis aliquod onus, præsertim ultra prædictum tempus duraturum imponi unquam possit.

Clausula.

§.8. Decernentes sic, & non aliter in præmissis omnibus, & singulis per quoscumque iudices ordinarios, & delegatos etiam Causarum Palatii Apostolici Auditores, ac Sanctæ Romanæ Ecclesiæ Cardinales etiam de latere Legatos, & Nuncios quavis auctoritate fungentes, sublata eis, & eorum cuiuslibet quavis aliter iudicandi, & interpretandi facultate, & auctoritate, iudicari, ac definituri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Derogat ob- stantibus.

§.9. Non obstantibus omnibus illis, quæ in dictis Literis volumus non obstare, ceterisque contrariis quibuscumque.

Dat. die 12. Decem. 1629. An. VII.

Datum Romæ apud Sanctam Mariam Majorem sub annulo Piscatoris die 12. Decembris 1629. Pontificatus nostri Anno Septimo.

Erectio Montis Vacabilis subsidii nuncupati.

Materiam subsidii late videre poteris in Constitut. XLVII. Pauli III. Decens. Tom. IV. Par. I. p. 225. item in Const. XXXIX. Pauli IV. Cupientes, ibidem fol. 358. & Pauli V. Constit. XXI. In maximis, Tom. V. Par. III. fol. 170. Revocationem vero exemptionum a solutione subsidii triennalis vide in Const. VI. Sixti V. Inter varias, Tom. IV. Par. IV. fol. 133.

URBANUS PAPA VIII.

Ad futuram rei memoriam.

§.1. Impensarum moles, quas his durissimis, & difficillimis temporibus pro defensione, & conservatione Status nostri Ecclesiastici facere cogimur, Nos impellit, ut pecuniam, undequaque haberi potest, pro imminentibus Sedis, & Cameræ nostræ necessitatibus, & ad ea gerenda, quæ pro eisdem Sedis, & prædicti Status nostri beneficio necessaria videntur, assidue cogitemus colligere, & comparare, ut eam paratam in ipsis necessitatibus habeamus, idque minori, quo possumus, subditorum nostrorum, & ipsius Cameræ incommodo, & detrimento facere studeamus. Ideo unum Montem Vacabilem, ex quo opportuna pecunie vis colligi possit, super augmento, seu subsidio Julii unius pro quolibet Cado Vini, quod ad Urbem ex circumvicinis Civitatibus, & locis asportatur, pro annuis scutis viginti duobus millibus monetæ dilectis filiis Joanni Baptistæ, & Fratribus de Gallis locatis, & alio augmento, seu subsidio duarum ex tribus partibus quadrantis super qualibet libra Carnis, quæ in Urbe venditur, ad annua scuta 25. millia ascendente, per Nos impositis, & auctis, aliisque dictæ nostræ Cameræ introitibus erigere deliberavimus.

Causa hujus Coacta.

De erigenda Monte vacabili super vestigale Vini, & Carnis cogit.

Et erigit.

§.2. Motu igitur proprio, ac ex certa scientia, & potestatis plenitudine nostris Montem vacabilem scutorum 300. millium monetæ subsidii nuncupandum locorum, seu portionum trium millium vacabilium resignabilium ad instar aliorum officiorum, & Montium vacabilium Romanæ Curia, scutis centum monetæ pro quolibet loco computatis, annui fructus scutorum novem monetæ pro quolibet loco, & portione, & anno, a die prima mensis Julii proxime præteriti præsentis anni 1630. inchoando, ad instar aliorum Montium, & officiorum vacabilium, auctoritate apostolica, tenore præsentium erigimus, creamus, facimus, & institimus.

Potem asse- gnari.

§.3. Illique sic erecto, & instituto, ac personis, quæ in eo pecunias, ut infra dicitur, posuerint, pro dicti Montis congrua dote, ac fructibus, & emolumentis ad prædictam rationem scutorum novem monetæ annis singulis pro quolibet loco, & quolibet bime-

bimestri in fine pro rata solvendis summam scutorum 27. millium monetæ, annuorum scilicet scutorum 20. millium monetæ ex dicto subsidio, seu augmento Julii pro quolibet Cado Vini, & reliquorum scutorum septem millium monetæ annuorum ex prædicto augmento Gabelle Carnis per Nos, ut præfertur, imposito, a dictorum subsidiorum emolumentis, & redditibus difmembramus, & separamus, sicque difmembratam, & separatam dicto Monti, illiusque Depositario, & Montistis solvendam eodem Monte durante concedimus, applicamus, & appropriamus, & assignamus, applicatamque, & appropriatam esse volumus, & mandamus.

Dictum Montem ab omnibus oneribus eximit.

§.4. Ipsumque Montem, & illius futuros Creditores in nostrum, ac Sedis, & Cameræ prædictarum locum quoad integram summam prædictam, ejusque liberam perceptionem, exactiorem, & consequentem, etiam irrevocabiler ponimus, substitui- mus, & subrogamus, eandemque summam ab omnibus oneribus, tributis, subsidiis, & collectionibus, & retentionibus per Nos, & pro tempore existentes Romanos Pontifices ex quacumque urgenti, & publica, ac etiam pestis, fidei catholice tuende causa, augmento cultus divini, seu alia sublevatione, & conservatione ejusdem nostri Status, & Romanæ Ecclesiæ quomodolibet impositis, & imponendis, ac ab omnibus, & quibuscumque aliis gravaminibus ordinariis, & extraordinariis presentibus, & futuris eximimus, & liberamus, exemptaque, & libera, dictosque redditus, introitus, & emolumenta eidem Monti, & illius Creditoribus, & Montistis obligata, & hypothecata esse volumus, & obligamus, & hypothecamus.

Sedis Apostolice, & Cameræ bonæ pro dicti Montis securitate obligat.

§.5. Et pro majori ejusdem Montis, & personarum in eo pecunias ponere volentium cautela, & securitate omnia, & singula alia Sedis, & Cameræ prædictarum bona mobilia, immobilia, jura, res, & actiones quæcumque præsentia, & futura ubique locorum existentia, introitusque, redditus, & proventus dicto Monti subsidii, illiusque singulis personis, & Montistis generaliter, & specialiter etiam obligamus, & hypothecamus, ac obligata, & hypothecata esse, nec super annuis summis prædictis, ut supra assignatis, illarumque exactiorem, & perceptionem etiam per Nos, & successores nostros prædictos quovis modo Montistas prædictos perturbari, inquietari, vel molestari posse volumus, & decernimus.

Facultatem omnibus tribuit in dicto Monte pecunias ponendi, exceptis Mendicantibus, & infidelibus.

§.6. Necnon etiam eadem auctoritate statuimus, atque decernimus, quod quæcumque utriusque sexus personæ cuiuscumque ætatis, etiam Minores, Pupilli, ac Spuria, & illegitimi, & cuiuscumque status, gradus, conditionis, dignitatis, & præminentia existentis, etiam si Cardinalatus honore præfulgeant, & Ecclesiis Cathedralibus, seu Monasteriis præsent, & quæcumque, quocumque, & qualiacumque ecclesiastica beneficia cum cura, & sine cura obtineant, in sacris etiam Presbyteratus

ordinibus constitutæ, necnon quorumvis sub quavis regula institutorum Hospitalium, & Militarum, & quorumcumque (non tamen mendicantium) Ordinum Religiosi, quibus a jure, aut per privilegium concessum est, proprium retinere posse, cuiuscumque nominis, qualitatibus, & conditionis, præterquam ratione regularis professionis in aliquo Ordine mendicantium inhabiles, & incapaces existant, ac infidelibus exceptis, in Monte prædicto subsidii quæcumque pecuniarum quantitates, non tamen infra summam scutorum centum monetæ in singulas personas, itant loca, & portiones huiusmodi dividi minime possint, usque ad dictam summam locorum trium millium ponere, & ipse personæ pro pecuniis sic positis fructus ad rationem scutorum novem similibus pro quolibet loco singulis annis, & quolibet bimestri eorum ratam sine aliquo conscientia scrupulo, & sortis principalis diminutione, vel aliquo restitutionis onere integrè, omni proflus impedimento cessante, percipere, & habere possint, & valeant.

Confiscari prohibet.

§.7. Præterea etiam expresse prohibemus, quod loca prædicta, nec eorum fructus, & emolumenta etiam causa rebellionis, prodicionis, assassinii, sacrilegii, læsæ majestatis, & aliorum criminum quantumcumque gravium, & enormium per loca ipsa obtinentes, tam intus, quam extra ditionem nostram, & in qualibet mundi parte, non tamen in personam Romani Pontificis, aut alicujus ex Sanctæ Romanæ Ecclesiæ Cardinalibus commissorum, etiam confessorum, & probatorum, publicari, seu deliberari, nec sub aliquibus, five specialibus, five generalibus omnium bonorum, rerum, & jurium confiscationibus comprehendantur, sed specialiter ab illis excepta fore, & esse censentur: deque illis ipsimet delinquentes integre disponere possint, ac si delicta huiusmodi nequaquam commississent; minusque loca prædicta, vel eorum fructus quolibet prætextu ad instantiam cuiusvis personæ, etiam Cameræ nostræ, vel alias modo aliquo sequestrari, vendi, subhastari, aut impediri possint.

Redactionem prohibet, & a vacatione per quinquennium liberat.

§.8. Decernimus præterea, quod Mons prædictus non possit redimi, vel reduci ad non vacabilem, nec extingui, minusque illius fructus a ratione scutorum novem huiusmodi pro quolibet loco, ut supra reduci, nec minui sub quovis prætextu, etiam necessitatis urgentis, & urgentissima Sedis Apostolicæ, enormissima læsionis, urgentis necessitatis, seu etiam evidentis utilitatis, aut alia quacumque causa: & volentes Montem prædictum, illiusque Montistas, & creditores pro tempore existentes specialibus favoribus, & gratiis decorare, decernimus, atque eadem auctoritate statuimus, & indulgemus, quod loca, seu portiones dicti Montis per quinquennium incipientem a Kalendis ejusdem mensis Julii proxime præteriti præsentis anni 1630. & ut sequitur, finiendis, per obitum personarum, super quarum vitæ periculis loca extabant vel ab

vel ab eis causam dicto quinquennio duran-  
te habentium, non vacent, sed illa ad decen-  
dentium, illorumque, ad quos loca prædi-  
cta spectabunt, hæredes ex Testamento, seu  
ab intestato omnino deveniant, ipsique hæ-  
redes, & successores loca, seu portiones  
hujusmodi retinere, vel resignare, ac præ-  
tium exinde proveniens recipere possint, &  
resignationes sic per eos factæ admitti de-  
beant, etiam cum eodem privilegio non  
vacantiæ per dictum quinquennium a Ka-  
lendis Julii ut supra incipiendum; quod pri-  
vilegium non vacantiæ dicto quinquennio  
durante transeat etiam in quolibet successo-  
res, quibus suffragari debeat pro residuo dic-  
ti quinquennii, quo elapso loca prædicta per  
obitum illa obtinentium omnino vacent, &  
vacare debeant ad commodum, & favorem  
eiusdem Camere nostræ.

Facultates,  
exemptiones,  
& privilegia  
concedi Mon-  
asteriis.

§.9. Volumus præterea, quod Montis  
prædicti creditores ad pecunias ab ipsis  
in eo positas, & erogatas, aut illarum  
partem, in aliquam subventionem, utilita-  
tem, seu necessitatem Status Ecclesiastici,  
vel Sedis, & Camere prædictarum conver-  
sas fuisse, & esse probandum, haud qua-  
quam teneantur, sed cum simplicibus liti-  
ris patentibus ab infradicto Thesaurario  
nostro Generali, & Secretario dicti Montis,  
ab ipso, ut infra deputando, expeditis iidem  
creditoribus, & Montis tuti sint, eidemque  
Monti, & personis in eo pecunias habenti-  
bus Collegium, & Defensores creandi, &  
deputandi, ordinationes, & statuta quæcum-  
que, licita tamen, & honesta a prædicto  
Thesaurario nostro Generali examinanda,  
& approbanda condendi licentiam, & fa-  
cultatem concedimus, necnon iis, ut om-  
nibus, & singulis aliis privilegiis, & facul-  
tatibus, exemptionibus, & immunitatibus,  
libertatibus, prærogativis, gratiis, & in-  
dultis, quibus ceteri creditores aliorum  
Montium vacabilium Romanæ Curie poti-  
untur, & gaudent, ac uti, potiri, & gau-  
dere possunt, & poterunt quomodolibet in  
futurum, ac si illa sic de verbo ad verbum  
inserta forent, uti, frui, & potiri libere,  
& licite valeant indulgemus, quodque præ-  
sentes vim, & robur veri, & validi contra-  
ctus, ac obligationis inter Nos, & Sedem,  
& Cameram prædictas ex una, & eos, qui  
pecunias in ipso Monte posuerint, ex altera  
partibus legitime initi, & stipulati obti-  
neant, & obtinere, dictisque Mons, & il-  
lius Montis in pacifica, libera, & quieta  
dictorum annuorum scutorum 27. millium  
eis, ut præfertur, assignatorum exactionis,  
& perceptionis possessione, & dicto Monte  
durante manuteneri, & conservari debeant.

Thesaurarii  
Gen. C. A.  
hujus Montis  
designat. Pro-  
curatorum.

§.10. Præterea dilectum filium Magi-  
strum Stephanum Duratium Thesaurarium  
nostrum Generalem, aliosque pro tempore  
existentes Thesaurarios Generales dicti  
Montis Protectores cum potestate literas pa-  
tentes sub eorum nominibus, & sigillis ex-  
pediendi, & concedendi, necnon omnes,  
& quascumque causas super dicto Monte,  
illiusque causa, & occasione, & ab eo quo-  
modolibet dependentes movendas privati-

ve quoad omnes alios Judices cognoscendi  
& terminandi, ac omnia alia, quæ ad eju-  
dem Montis utilitatem, providamque dire-  
ctionem pertinere cognoverit, peragendi  
cum facultate etiam Depositarium, ac Se-  
cretarium, & Ratiocinatorem, seu Compu-  
tistam dicti Montis cum emolumentis ei-  
dem beneficiis ad eorum vitam, & donec  
vixerint, & prout ipsis melius placuerit, &  
videbitur, eligendi, & deputandi.

Clausulas præ-  
servativas ap-  
ponit.

§.11. Decernentes, præsentis nostras Li-  
teras de subreptionis, vel obreptionis vitio,  
aut intentionis nostræ, seu alio quocumque  
defectu notari, argui, vel impugnari, aut  
revocari, restringi, vel limitari minime  
posse, seu debere, suosque plenarios, & in-  
tegrus effectus fortiri, & obtinere debere,  
etiam quod in dicta Camera, ejusque li-  
bris non admittantur, neque registrentur;  
sicque & non aliis in omnibus, & singulis  
præmissis per quoscumque Judices ordina-  
rios, & delegatos, etiam causarum Palatii  
Apostolici, & dictæ Camere Clericos, Cam-  
eramque ipsam, ac S. R. E. Cardinales,  
etiam de latere Legatos in quavis causa, &  
instantia, sublata eis, & eorum cuilibet,  
quavis aliter judicandi, & interpretandi fa-  
cultate, & auctoritate, judicari, & defini-  
ri debere: irritum quoque, & inane quid-  
quid secus super his a quoquam, quavis au-  
thoritate, scienter, vel ignoranter conti-  
gerit attentari.

Contra-  
riis de-  
rogat.

§.12. Non obstantibus præmissis, & fel-  
recordationis Symmachij, Calixti Tertii,  
Pauli Secundi, Pauli Tertii, Pauli Quarti,  
& Pii Quinti, aliorumque Romanorum,  
Pontificum Prædecessorum nostrorum, ac  
etiam nostris de rebus Ecclesiæ, & Camere  
non alienandis, & alienatis recuperandis,  
ac etiam Pii IV. de registrandis, aliisque  
Apostolicis, ac in Provincialibus, & Syno-  
dalibus, ac universalibus Conciliis editis,  
specialibus, & generalibus Constitutioni-  
bus, & Ordinationibus, etiam prædicta si-  
ri specialiter expresse prohibentibus, & fa-  
cta irrita esse decernentibus, dictaque Ca-  
meræ juramento, confirmatione apostoli-  
ca, & quavis alia firmitate roboratis statu-  
tis, & consuetudinibus, stabilimentis, usi-  
bus, & naturis, privilegiis quoque, indultis,  
& Literis apostolicis eidem Camere, & qui-  
busvis personis sub quibuscumque tenori-  
bus, & formis, & cum quibusvis etiam de-  
rogatoriis derogatoriis, aliisque efficacioribus,  
& insolitis clausulis, irritantibusque,  
& aliis decretis, etiam Motu proprio, ac  
ex certa scientia, & potestatis plenitudine  
similibus, & pro conservatione Status, di-  
gnitatis, & existimationis Sanctæ Romanæ  
Ecclesiæ, concessis, confirmatis, ac etiam  
reiteratis vicibus innovatis, extensis, &  
moderatis, quibus omnibus, etiam si de illis,  
illorumque totis tenoribus specialis, specifi-  
ca, integra, & individua mentio habenda  
esset, illorum tenores, ac si de verbo ad  
verbum infererentur, præsentibus pro suffi-  
cienter expressis, & insertis habentes, illis  
alias in suo robore permanentibus, hac vice  
dumtaxat specialiter, & expresse deroga-  
mus,

mus, illaque quatenus præmissis obstant,  
tollimus, abrogamus, & abolemus.

Exemplis si-  
des adhibea-  
tur.

§.13. Volumus autem, ut præsentium  
transumptis, seu exemplis, etiam impressis  
manu Secretarii dicti Montis, seu publici  
Notarii subscriptis, & sigillo prædicti The-  
saurarii Generalis, seu personæ in dignitate  
ecclesiastica constitutæ munitis eadem pror-  
sus fides in judicio, & extra ubique loco-  
rum adhibeatur, quæ eisdem præsentibus,  
si forent exhibitæ, vel ostensæ, adhibere-  
tur.

Pape subscri-  
ptio.

Placet Motu proprio M.

CCCXXIX.

Quod præcedentia in concursu cum aliis  
Regularibus in Processionibus competit  
Fratribus Discalceatis S. Francisci in  
Provincia Hispaniarum.

URBANUS PAPA OCTAVUS

Ad perpetuam rei memoriam.

Procurator.

EX incumbenti Nobis apostolici mune-  
ris debito, ad ea mentis nostræ aciem  
assidue intendimus, per quæ Christiani-  
des, sub suavi Religionis jugo, & strictioris Ob-  
servantiæ Regulis Altissimo famulantes,  
sublatis obstaculis, in quietis, ac pacis ame-  
nitate vota sua Domino reddant, ac feliciori-  
bus in via mandatorum ejus proficiant in-  
crementis.

Decretum  
Sac. Rituum  
Congregat.

§.1. Nuper siquidem a Vener. Fratri-  
bus nostris S. R. E. Cardinalibus, Sacris Ri-  
tibus Præpositis, emanavit Decretum teno-  
ris subsequentis, videlicet: Procurator Fra-  
trum Discalceatorum Ordinis Minorum  
Sancti Francisci de Observantia Provincia  
Sancti Joannis Baptiste Hispaniarum expo-  
sui, suos Fratres Discalceatos pati contro-  
versiam ab aliis Regularibus, & præcipue  
ab Augustinianis circa præcedentiam in pro-  
cessionibus, & alias prærogativas ipsis etiam  
Discalceatis, cum veri filii reformati eju-  
dem Ordinis sint, pariter suffragantes, &  
expressas in Bulla Clementis Octavi, inci-  
piente: Ex injuncto Nobis: sub die septimo  
Septembris 1602. quotiescumque dicti Di-  
scalceati non incedunt, aut degunt cum  
Fratribus familiae de Observantia, quod  
cum sit contra expressam mentem, & Bul-  
lam dicti Clementis Octavi, citato etiam  
ad hoc Procuratore Generali Ordinis San-  
cti Augustini, supplicavit provideri. Et Sa-  
cra Rituum Congregatio, sequendo votum  
Illustrissimi Deti, cui hæc causa erat com-  
missa, censuit præcedentiam in concursu  
cum aliis Regularibus in Processionibus, &  
aliis actibus publicis, semper competere  
dictis Discalceatis, sive soli de per se, & sub  
propria cruce, sive sub cruce, & cum fa-  
milia de observantia incedant, & sive Di-  
scalceati, Reformati, aut alio quovis no-  
mine nuncupentur, dummodo sint vere  
Reformati Ordinis Sancti Francisci: necnon  
Bull. Rom. Tom. VI. Par. I.

gaudere, & frui debere omnibus aliis præ-  
rogativis in supradicta Bulla Clementis  
Octavi expressis, & ita imposterum ubique  
servari mandavit hac die 22. Decembris, &  
juxta alias resoluta in antecedenti Congre-  
gatione sub die 10. ejusdem mensis 1626.

§.2. Cum autem, sicut dilectus filius  
Procurator Fratrum Discalceatorum prædi-  
ctorum Nobis exponi fecit, ipse plurimum  
cupiat, præsertim Decretum hujusmodi,  
quo firmiter subsistat, exactiusque ab omni-  
bus observetur, apostolica nostræ confir-  
mationis robore communiti: Nos, qui pa-  
cem, & quietem, inter Regulares præser-  
tim personas, vigere sinceris desideramus  
affectibus, Procuratorem, & Fratres præ-  
dictos, quo præmissorum commodo, & ef-  
fectu pacifice uti valeant, specialibus favo-  
ribus, & gratiis prosequi volentes, eorum-  
que singulares personas, a quibusvis ex-  
communicationis, suspensionis, & interdi-  
cti, aliisque ecclesiasticis sententiis, censu-  
ris, & poenis a jure, vel ab homine, quavis  
occasione, vel causa latis, si quibus quo-  
modolibet innodati existant, ad effectum  
præsentium dumtaxat consequendum, har-  
um serie absolventes, & absolutos fore  
censentes, supplicationibus illorum nomi-  
ne, Nobis super hoc humiliter porrectis, in-  
clinati, præsertim Decretum hujusmodi  
cum omnibus, & singulis in eis contentis,  
& expressis, apostolica auctoritate, tenore  
præsentium perpetuo approbamus, & confir-  
mamus, illisque inviolabilis apostolicæ  
firmitatis robur adjicimus, ac omnes, &  
singulos, tam juris, quam facti, & quovis  
alios defectus, si qui in præmissis quomo-  
dolibet intervenierint, aut intervenisse di-  
ci, vel censei possent, supplemus. Necnon  
Decretum, & in ea contenta hujusmodi,  
præsentisque Literas valida, firma, & effi-  
cacia existere, & fore, suosque plenarios, &  
integros effectus fortiri, & obtinere, ac Fra-  
tribus Discalceatis prædictis ubicumque  
existentibus, in omnibus, & per omnia  
plenissime suffragari, necnon ab omnibus,  
ad quos spectat, & in futurum quomodoli-  
bet spectabit, firmiter, & inviolabiliter per-  
petuo observari; sicque ab omnibus cen-  
seri; & ita per quoscumque Judices ordina-  
rios, & delegatos, etiam causarum Palatii  
Apostolici Auditores, ac S. R. E. Cardina-  
les etiam de Latere Legatos, & Sedis Apo-  
stolicæ Nuncios, ubique, & in quavis in-  
stantia judicari, & definiri debere, ac irri-  
tum, & inane, si quid secus super hoc a  
quoquam, quavis auctoritate, scienter, vel  
ignoranter contigerit attentari, auctori-  
tate, & tenore præfatis decernimus, & decla-  
ramus.

Quod petente  
FF. Discalcea-  
torum Procu-  
ratore.

Pontifex con-  
firmat.

§.3. Quocirca Venerabilibus Fratribus  
Archiepiscopis, ac Orolienfi, & aliis Episcopis  
in Provinciis, & locis, in quibus Fra-  
trum Discalceatorum hujusmodi Regulares  
domus erectæ sunt, sive imposterum eri-  
gentur, constitutis, ac dilectis filiis eorum  
Officialibus, seu Vicariis in spiritualibus  
generalibus per præsentis committimus, &  
mandamus, quatenus ipsi, vel duo, aut unus  
eorum  
D d

Executores  
deputat.

eorum per se, vel alium, seu alios presen-  
tes Literas, & in eis contenta quacumque,  
ubi, & quando opus fuerit, & quoties pro  
parte Fratrum Discalceatorum hujusmodi  
requisiti fuerint, solemniter publicantes,  
eisdemque Fratribus Discalceatis in præ-  
missis efficacis defensionis præsidio assi-  
stentes, faciant auctoritate nostra præmissa  
omnia, & singula ab iis, ad quos spectat,  
& pro tempore quomodolibet spectabit, in  
futurum inviolabiliter observari, eisdem-  
que Fratres Discalceatos præmissorum com-  
modo, & effectu, quiete, & pacifice ubique  
frui, & gaudere, non permittentes illos  
per aliorum quorumvis Ordinum, & insti-  
tutorum Regulares in præmissis quovis præ-  
textu, causa, vel occasione, aut aliis quo-  
modolibet indebite molestari, perturbari,  
inquietari, vel impediri.

Mandat pu-  
nic transgre-  
ssores.

§.4. Contradictores quoslibet, & rebel-  
les, aut aliis in præmissis non parentes,  
seu sese quomodolibet opposcentes, eisque  
auxilium, consilium, vel favorem publice,  
vel occulte, directe, aut indirecte quomo-  
dolibet præstantes, per sententias, censu-  
ras, & poenas ecclesiasticas, aliaque oppor-  
tuna juris, & facti remedia, appellacione  
postposita compescendo, legitimisque su-  
per his habendis, servatis processibus, cen-  
suras, & poenas ipsas, etiam iteratis vici-  
bus aggravando, invocato ad hoc, si opus  
fuerit, auxilio brachii secularis.

Contrariis  
derogat.

§.5. Non obstantibus fel. rec. Bonifacii  
Pape Octavi Prædecessoris nostri de una, &  
in Concilio generali edita de duabus Dietis,  
dummodo ultra tres Dietas aliquis auctori-  
tate præsentium in iudicium non trahatur,  
aliisque Constitutionibus, & Ordinationibus  
Apostolicis, ac quorumvis Ordinum,  
& Congregationum, illorumque Domorum,  
& locorum regularium, etiam juramento,  
confirmatione apostolica, vel quavis firmi-  
tate alia roboratis statutis, & consuetudinibus,  
privilegiis quoque, indulgentiis, & Lite-  
ris Apostolicis, illis, eorumque superioribus,  
& personis, ac quibusvis aliis sub quibus-  
cumque tenoribus, & formis, ac cum  
quibusvis etiam derogatoriis derogatoriis,  
aliisque efficacioribus, & insolitis clau-  
sulis, necnon irritantibus, & aliis decretis  
in genere, vel in specie, aut aliis in con-  
trarium quomodolibet concessis, confirmatis,  
& innovatis.

Fides tran-  
sumptorum.

§.6. Quibus omnibus, & singulis, illo-  
rum tenores præsentibus pro sufficienter ex-  
pressis habentes, illis aliis in suo robore  
permanens, hac vice dumtaxat speciali-  
ter, & expresse derogamus, ceterisque con-  
trariis quibuscumque.

Dat. die 9.  
Januarii 1630.  
An.VII.

§.7. Volumus autem, quod præsentium  
transumptis, etiam impressis, manu alicuius  
Notarii publici subscriptis, & sigillo per-  
sonæ in dignitate ecclesiastica constituta  
munitis, eadem prorsus ubique fides adhibeatur,  
quæ ipsis præsentibus adhiberetur, si  
forent exhibitæ, vel offensæ.

Datum Romæ apud Sanctam Mariam  
Majorem, sub annulo Piscatoris, die 9. Janu-  
arii 1630. Pontificatus nostri Anno VII.

Facultas Cardinali a Balneo absolvendi Ar-  
chiepiscopum Rothomagensis, qui in  
quodam libro nonnulla contra Sedis Apo-  
stolicæ auctoritatem inadvertenter scrip-  
serat.

Ex Regest. in  
Secretis, brev.

Dilecto filio nostro Joanni Francisco Sanctæ  
Romanae Ecclesiæ Presbytero Cardinali  
a Balneo nuncupato.

URBANUS PAPA VIII.

Dilecte fili noster salutem, & apostolicam  
benedictionem.

Sedes Apostolica pia mater recurrentibus  
ad eam post excessum cum humilitate  
filiis libenter se propitiâ exhibet, & be-  
nignam.

Proœmium.

§.1. Exponi siquidem Nobis nuper fecit  
Ven. Fr. Franciscus Archiepiscopus Rotho-  
magen., quod in certo libro per eum com-  
posito nonnulla contra nostram, & hujus  
Sanctæ Sedis auctoritatem inadvertenter  
scripsit, & publicavit.

Archiepisco-  
pus Procho-  
magenis con-  
tra Sedem  
Apostolicam  
inadvertenter  
nonnulla scri-  
psit.  
Ideo a censu-  
ris absolutio-  
nem petit.

§.2. Cum autem, sicut eadem expositio  
subiungebat, ipse de præmissis plurimum  
doluerit, & doleat ad præsens, & per eum  
contra nostram, & ejusdem Sedis auctori-  
tatem scripta, ut præfertur, ore, & in scri-  
ptis palam, & publice retractaverit, sive  
revocaverit, cupiatque propterea a censu-  
ris, & poenis ecclesiasticis per eum præmis-  
sorum occasione quomodolibet incurfis, per  
Nos in utroque foro absolvi, & aliis statui  
suo in præmissis opportune provideri.

PP. dat fa-  
cultatem Car-  
dinali a Bal-  
neo ipsum ab-  
solvendi.

§.3. Nos attendentes exuberantem Sedis  
Apostolicæ clementiam gremium suæ  
pietatis petentibus claudere non consuev-  
isse, ac cum eodem Francisco Archiepisco-  
po more pii patris agere, eumque specia-  
libus favoribus, & gratiis prosequi volen-  
tes, & a quibusvis excommunicationis, su-  
spensionis, & interdicti, aliisque ecclesi-  
asticis sententiis, censuris, & poenis a jure,  
vel ab homine quavis occasione, vel causa  
latis, si quibus quomodolibet inmodatus  
existit, ad effectum præsentium dumtaxat  
consequendum harum serie absolventes, &  
absolutum fore censentes, supplicationibus  
ejus nomine Nobis super hoc humiliter por-  
rectis, inclinati, circumspectioni tuæ per  
præsentem injungimus, ut eundem Fran-  
ciscum Archiepiscopum, si hoc a te humili-  
ter petierit, a quibuscumque censuris, &  
poenis ecclesiasticis per eum, præmissorum  
occasione, quomodolibet incurfis, & quas  
incurrisse dici, vel censerî possit, imposi-  
ta ei, propter præmissa arbitrio tuo peniten-  
tia salutari, & facta per eundem Fran-  
ciscum Archiepiscopum promissione de pa-  
rendo nostris, & Sanctæ Matris Ecclesiæ  
mandatis, auctoritate nostra in utroque  
foro absolvas, dictasque poenas illi gratiose  
remittas, & condones, omnemque inha-  
bilitatis notam, & aliud forsan præjudicium  
contra eum præmissorum occasione quomo-  
dolibet

dolibet insurgens ab eo penitus tollas, &  
aboleas, eumque in pristinum, & eum,  
in quo antea quomodolibet erat, statum re-  
stituas, reponas, & plenarie reintegres,  
secumque super irregularitate, si quam, eor-  
undem præmissorum occasione, contraxit,  
eadem auctoritate dispenses.

Obstantia tol-  
lit.

Dat. die 13.  
Aprilis 1630.  
An.VII.

§.4. Non obstantibus Apostolicis, & in  
universalibus, provincialibusque Conciliis  
editis generalibus, vel specialibus Consti-  
tutionibus, & Ordinationibus, ceterisque  
contrariis quibuscumque.

Datum Romæ apud Sanctum Petrum  
sub Annulo Piscatoris, die decimatertia  
Aprilis 1630. Pontificatus nostri Anno Se-  
ptimo.

CCCXXXI.

Confirmatio Concordiæ, & revalidatio Li-  
terarum, quibus jussu hujus Pontificis  
Anno 1616. in Conventu Virginis Mariæ  
Solitudinis de la Jana Provincia S. Joan-  
nis Baptistæ Minorum Discalceatorum,  
S. Francisci de Observantia celebratum,  
ac insuper confirmatum fuit Capitulum  
Provinciale, cum impositione silentii, ac  
poenis, & censuris per contrafacientes  
eo ipso incurrendis.

URBANUS PAPA VIII.

Ad perpetuam rei memoriam.

Exordium.

Regis pacifici vices quamquam immeriti  
gerentes in terris, inter cætera cordis  
nostri desiderabilia, illud sinceris semper  
exoptamus affectibus, ut Christianifideles, præ-  
sertim sub suavi religionis jugo, & strictio-  
ris observantiæ regulis divinis obsequiis fa-  
mulantes vota sua in pacis amantitate Al-  
tissimo reddant, ac unanimes, & uno ore  
Deum glorificent. Quapropter, si quæ pro-  
litibus, & controversiis inter eos, super-  
seminante humani generis hoste zizania,  
exortis evellendis, penitusque extirpandis  
concorditer facta fuisse comperimus, illa,  
ne in recidivæ contentionis vitium denuo  
prolabantur, apostolica nostra confirma-  
tionis munimine roboramus, ac aliis de-  
super pastoralis officii nostri partes, quan-  
tum Nobis ex alto conceditur, sedulo im-  
pendimus, prout conspiciamus in Domino  
salubriter expedire.

Referatur  
prioris Pon-  
tificis Literæ.

§.1. Aliis siquidem a Nobis emanarunt  
Literæ tenoris subsequenti, videlicet: Ur-  
banus Papa VIII. Ad perpetuam rei memo-  
riam. In Cathedra Beati Apostolorum Prin-  
cipis, nullo licet meritorum nostrorum  
suffragio, per abundantiam divinæ gratiæ  
constituti, inter gravissimas pastorales so-  
licitudinis curas illa Nos sollicitos jugiter  
habuit, ut religiosi viri, divini numinis ob-  
sequiis sub regularibus arctioribus vitæ insti-  
tutis famulantes, majoribus in dies in sancti-  
tate, & justitia coram Domino proficiant  
incrementis, ac proinde, quæ in hoc im-  
pendimento esse possunt, etiam per oppor-  
tuna declarationis ministerium tollimus,  
aliaque statuimus, & ordinamus, prout  
conspiciamus in Domino salubriter expe-  
dire.

Bull. Rom. Tom. VI. Par. I.

tunæ declarationis ministerium tollimus,  
aliaque statuimus, & ordinamus, prout  
conspiciamus in Domino salubriter expe-  
dire.

Quibus quam-  
dam Clemens  
Const. decla-  
raverat.

§.2. Aliis siquidem fel. rec. Clem. VIII.  
Prædecessor noster felici, ac prospero Fra-  
trum Ordinis Min. S. Francisci de Obser-  
vantia Discalceatorum nuncupatorum Pro-  
vincia S. Jo. Baptistæ Hispaniarum regimini,  
& gubernio pastorali sollicitudine invigilans,  
inter alia concessit, & indulgit Fratribus  
prædictis, quod suis arctioribus constitutio-  
bus gubernarentur, nec ad observanda sta-  
tuta generalia ordinis facta, vel pro tempore  
facienda a Capitulis, vel Congregationibus  
Generalibus Ordinis Minorum S. Francisci  
de Observantia, nec ad peculiararia Superio-  
rum mandata, quæ Definitorum Provin-  
ciæ judicio fuissent exalceatorum refor-  
mationi, aut commodo dissentanea, ten-  
erentur: nec similiter possent Fratres ip-  
sius Provinciæ ab ipsâ sua Provincia ab-  
strahi per quoscumque Superiores, vel ad  
Indos, vel alias partes, & Provincias re-  
mitterentur, nisi de consensu Capituli Pro-  
vincialis ejusdem Provinciæ, & aliis prout  
in ipsius Clementis Prædecessoris desuper  
in simili forma Brevis expeditis Literis, qua-  
rum tenores præsentibus pro sufficienter  
expressis haberi volumus, plenius contine-  
tur.

§.3. Cum autem, sicut accepimus, cir-  
ca concessionem, & indultum, ac Literas  
Clementis Prædecessoris hujusmodi, non-  
nulla dubia, diversæque lites, & contro-  
versie, ac perturbationes in dicta Provincia  
hactenus orta sint, & de præsentibus vigeant,  
ac verendum sit alias longe majores orituras:  
Nos præmissis pro nostri officii debito,  
quantum Nobis ex alto conceditur, obviam  
ire, ac paci, & quieti ipsius Provinciæ op-  
portune consulere volentes, de Venerabili-  
um Fratrum nostrorum Sanctæ Romanæ  
Ecclesiæ Cardinalium, negotiis regularium  
propositorum, consilio; Motu proprio, &  
ex certa scientia, ac matura deliberatione  
nostris, apostolica auctoritate, tenore præ-  
sentium declaramus, Constitutiones pro-  
prias illas tantum esse intelligendas, quæ fue-  
runt firmatæ, & receptæ in Capitulo Pro-  
vinciali: Necnon a clausula sequenti, nimi-  
rum (nec ad peculiararia Superiorum man-  
data, quæ Definitorum Provinciæ judicio  
fuerint exalceatorum Reformationi, aut  
commodo dissentanea) verba illa (aut com-  
modo) omnino delenda esse, prout Nos  
earundem præsentium vigore delemus:  
Ubi autem dicitur, non posse Fratres ipsius  
Provinciæ abstrahi per quoscumque Super-  
iores, nisi de consensu Capituli Provincialis  
ejusdem Provinciæ verba illa: *per quoscum-  
que Superiores*, nimirum de Superioribus  
ejusdem Ordinis tantum declaranda, ac  
respective intelligenda esse.

§.4. Præterea pro majori quiete, & ad  
omnes discordias, & differentias inter dictæ  
Provinciæ Fratres removendas, auctori-  
tate, & tenore præsentium statuimus, & de-  
cernimus, quod dilectus filius Minister Ge-  
neralis

Ac præsertim  
quæ sit Mini-  
stri Gen. su-  
per hanc Pro-  
vinciam juris-  
dictio.

neralis prædicti Ordinis Capitulo dictæ Provincie, in quo tamquam Minister Generalis, vocem habere solet, omnino interveniat, cum facultate Fratres quoscumque Ordinis, Provincieque hujusmodi in præmissis delinquentes a quibusvis censuris, & pœnis ecclesiasticis, ac super quibuscumque irregularitatibus, per eos propterea quomodolibet incurris, & respective contractis, auctoritate nostra absolvendi, & dispensandi, easdemque pœnas illis remittendi, & condonandi. Dilecti vero filii Antonius Vives Minister Provincialis, ac Joannes Ximenez, pro hac vice tantum tres Patres de corpore dictæ Provincie, bonæ famæ, & conditionis, ac ab omni factione alienos; Franciscus autem Borgia ejusdem Ordinis, & Provincie professores tres alios ejusdem probitatis, & prudentiæ viros respective nominent, ac ex istis sic nominatis Minister Generalis præfatus quatuor Definitores, ac Provinciales, & Custodem, qui una cum eodem Ministro Generali de aliis electionibus, prout in Capitulo Provinciali facere solent, provideant, eligat. Quod si in dicta nominatione faciendâ Antonius, ac Joannes, & Franciscus prædicti concordēs non fuerint, vel aliquis eorum interea e vivis decesserit, tunc, & eo casu Minister Generalis prædictus vices quoquomodo deficientis, auctoritate nostra suppleat.

Cum Decreto ut prædicta omnino serventur.

§. 5. Mandantes propterea in virtute sanctæ obedientiæ, ac sub excommunicationis, & privationis quorumcumque officiorum per eos obtentorum, inhabilitatisque ad illa, & alia impoſterum obtinenda, ac aliis arbitrio nostro infligendis pœnis eidem Ministro Generali, aliisque Ordinis, & Provincie hujusmodi Superioribus quocumque modo nuncupatis, quatenus præmissa omnia, & singula, necnon præſentes Literas firmiter, & inviolabiliter observent, ac ab aliis observari curent, & faciant: ac decernentes sic, & non aliter in eisdem præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiti debere, ac irritum, & inane, si secus super his a quoquam, quavis auctoritate scienter, vel ignoranter contigerit attentari. Non obstantibus Clementis Prædecessoris hujusmodi Literis, ac Constitutionibus, & Ordinationibus Apostolicis, ac quatenus opus sit, dictorum Ordinis, & Provincie, etiam juramento, confirmatione apostolica, vel quavis firmitate alia roboratis statutis, & Constitutionibus, ceterisque contrariis quibuscumque. Cæterum Ministrum Generalem præfatum harum serie in Domino monemus, ut in præmissis adimplendis taliter se gerere studeat, quod alicui ex factionibus suspectus minime reddatur, quinimo dictæ Provincie concordiam, quietem, charitatemque præ oculis semper habeat, ut non solum in proximo futuro Capitulo, sed etiam perpetuis futuris temporibus, Deo dante, valeat permanere. Datum Romæ apud Sanctum Petrum, sub Anulo Piscatoris die 6. Februarii 1626. Pontificatus nostri Anno III.

§. 6. Subinde vero pro parte dilecti filii Joannis Baptistæ Bernegali Procuratoris Generalis Fratrum Provincie hujusmodi dicti Ordinis Nobis exposito, quod in Capitulo Provinciali dictæ Provincie in Domo Beate Mariæ de la Soledad vulgo nuncupata, Oppidi de la Jana Dertusensis Diocesis, de mense Maii tunc proxime præterito, jussu nostro Præsidente in eo dilecto filio Bernardino de Senis dicti Ordinis Ministro Generali, celebrato, dilectus etiam filius Joannes Olante dicti Ordinis Professor in eisdem Provincie Ministrum Provinciale canonice electus, & deputatus fuerat: Nos dicti Joannis Baptistæ supplicationibus ea in parte tunc inclinati, electionem, & deputationem prædictas per nostras in simili forma Brevis sub die 29. Januarii 1627. expeditas Literas Apostolica auctoritate approbavimus, & confirmavimus. Ac demum per Nos accepto, quod Venerabiles Fratres nostri S. R. E. Cardinales negotiis Regularium Præpositi, literas remissorias aliquibus Fratribus Ordinis Minorum Sancti Francisci de Observantia Discalceatorum nuncupatorum Provincie Sancti Joannis Baptistæ in Regno Valentie, ad effectum examinandi testes super tribus articulis, concesserant, prout in literis remissoriis hujusmodi continebatur: Nos de eorundem Cardinalium consilio, stante consensu Procuratorum utriusque partis, Motu proprio, & ex certa scientia, ac matura deliberatione nostris, circa nullitates celebrationis Capituli habiti die 17. Maii Anni 1626. in Cenobio Beate Virginis Mariæ Solitudinis de la Jana prædictæ Provincie, apostolica auctoritate perpetuum silentium imposuimus. Inhibentes propterea omnibus, & singulis ejusdem Provincie Fratribus, cujuscumque gradus, & conditionis existent, sub pœna privationis officiorum, quæ tunc obtinerent, & inhabilitatis ad cætera in futurum obtinenda, ne ullo unquam tempore super electionibus in eodem Capitulo factis aliquas lites, seu controversias movere, vel prosequi quoquomodo audent, vel præsumerent, & alias prout in diversis nostris in eadem forma Brevis expeditis Literis, quarum tenores præsentibus pro plene, & sufficienter expressis, & insertis haberi volumus, plenius continetur.

Imponit silentium super celebrato Capitulo.

Concordia.

§. 7. Cum autem, sicut denuo dictus Joannes Baptista Nobis nuper exponi fecit, orta subinde inter dilectum filium Joannem a Sancto Bernardino, tunc dicti Ordinis Minorum Sancti Francisci de Observantia nuncupatorum Procuratorem Generalem, ipsumque Joannem Baptistam, & alios dictæ Provincie Fratres ex una, ac quondam Jacobum Palau dilectorum filiorum Honuphrii Legaza, aliorumque ipsius Provincie Fratrum Discalceatorum Procuratorem ex altera partibus, lite, & causâ de, & super præsentia dicti Capituli, ac electionum in eo factarum revocatione, rebusque aliis in actis causâ, seu causarum hujusmodi deductis, tandem Joannes, ac Joannes Baptista, & alii Fratres, necnon Jacobus præfati communi

tribi bono, pacisque inter eos conservacioni consulentes, ad certam inter se devenerunt concordiam, & transaccionem tenoris subsequens, videlicet: Die 12. Septembris 1628. Concordia facta inter Rev. Pat. Fratrem Joannem a Sancto Bernardino Ordinis Sancti Francisci Generalem Procuratorem, & PP. Fratrem Joannem Baptistam Beruegal, Fratrem Damianum Estellet, Fratrem Joannem Ruiz, & Fratrem Franciscum Siment Provincie Sancti Joannis Baptistæ Discalceatorum ejusdem Ordinis speciales Procuratores ex una, & ex altera partibus Doctorem Jacobum Palau Procuratorem Fratris Honuphrii Legaza, aliorumque Patrum ipsius Provincie. I. Quod literæ remissoriales a Sacra Congregatione obtentæ die 17. Decembris 1627. anni proxime præteriti totaliter annullentur, quamvis examen, seu processus fuerint inchoati, & ut paci, quietique Provincie consulatur, comburantur. II. Decretum, & Motus proprii concessus a Sanctissimo Domino nostro Papa Urbano VIII. die 18. Januar. 1628. permaneant semper in suo robore, validitateque, quoad illam partem nempe, & (I) usulas revalidantes, ac perpetuum silentium ponentes Capitulo, & electionibus rite, & canonicè habitis in Conventu Virginis Mariæ Solitudinis de la Jana die 17. Maii 1626. virtute literarum, seu Motus proprii ejusdem Sanctissimi incipientis: Urbanus Octavus ad futuram rei memoriam. In Cathedrali Beati Apostolorum Principis &c. sub datum die 6. Februarii 1626. quin potius ex communi partium consensu illud totum ratum sit, ac denuo confirmetur, quacumque dubitatione non obstante, aut que forsitan inde oriri potest, eo quod in ipsismet Decreto, & Motu proprio de hujusmodi literis remissorialibus specialis fiat mentio, cum illas nunc, & impoſterum, partibus convenientibus, specialiter, & expresse irritas, ad nihilumque redigendas omnimode placuerit. Tertio circa sententias latis die 19. Januarii 1621. tam in favorem Fratris Honuphrii Legaza, quam in pœnam quorundam Fratrum, prout in ipsismet sententiis majori Provincie sigillo munitis, & a pleno Definitorio, hoc est R. P. Fr. Blasio Aybar Ministro Provinciali, Fratre Joanne Ximenez, Fratre Hieronymo Planes, Fratre Antonio Sobrino Provincie Patribus, & Fratre Michaeli Blanch, Fratre Petro Adam, Fratre Vincentio Naucaſa, Fratre Sylvestro Sanz Definitoribus, etiam pronunciatas, subscriptisque liquido constat: hujusmodi igitur sententiæ declarandæ sunt, & admittendæ a Provinciali præſente, & Definitorio, tamquam bene late, neque aliquam patientes nullitatem. Quocirca idem Frater Honuphrius Legaza ab eodem Provinciali, & Definitorio pleno per literas patentes declaratur liber juxta sensum expressum in prædictis sententiis, itaut quicquid post latis sententias, vel prædictæ concordie confirmationem, seu interim dum executioni mandatur, attentatum pro parte, cujuscumque fuerit, nullum sit, irritum,

& absque ullo fundamento, & si quis aliquid in contrarium præmissorum suscitare, commovere, seu allegare quovis modo, vel quacumque de causa præsumperit, pœnis in confirmatione Concordiæ assignandis, seu infligendis subiiciatur, quibus etiam donec idem Frater Honuphrius, si aliquid impoſterum prætenderit, aut directe, vel indirecte facere tentaverit contra Fratres contentos in illis sententiis, seu alias quascumque personas. Quarto: Rursus circa præsentiam apostasiam prædictus Frater Honuphrius subiiciat se ad cautelam absolutio- ni, ita & taliter, ut nullis donetur pœnis a Constitutionibus Generalibus Ordinis, & Provincie constitutis, nec censeatur active, nec passive incapax ad quodcumque religionis officium. Quinto: Insuper in ipsa Concordia declaratur, quod a Provinciali, & Definitorio, non solum dictus Honuphrius, verum etiam omnes illi Patres, qui mandatum Procuracionis dederint ad effectum, præsentium revocationis prædicti Decreti, seu quarumcumque Literarum Apostolicarum, affligi, molestari, seu aliqua pœna affici nequeant. Sexto denique inter partes concordantes declaratur etiam, quod prædicta transaccio, seu concordia nullum habeat vigorem, quousque tandem ab ipsa Sacra Regularium Congregatione fuerit confirmata, & ante hujusmodi confirmationem in partibus acceptata, quibus postis prædictus Frater Honuphrius, a die datæ confirmationis Concordiæ infra duos menses ad suam teneatur remeare Provinciam.

Confirmatio concordie.

§. 8. Nos inviolabili Concordiæ, & transaccionis hujusmodi substantiæ, & observacioni, quantum cum Domino possumus, consulere, ac Joannem Baptistam, & alios præfatos specialibus favoribus, & gratiis prosequi volentes, eorumque singulares personas a quibusvis excommunicationis, suspensionis, & interditi, aliisque Ecclesiasticis sententiis, censuris, & pœnis a jure, vel ab homine quavis occasione, vel causa, latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes: De Venerabilium Fratrum nostrorum S. R. E. Cardinalium, negotiis Regularium Præpositorum consilio, ac auditis Procuratoribus utriusque partis, Motu proprio, & ex certa scientia nostris Concordiam, & transaccionem præsentis hujusmodi cum omnibus in eis contentis, superadditis tamen in primo capite loco verbi ( comburantur ) sequentibus verbis, scilicet, quod dicti processus comburantur, apostolica auctoritate tenore præsentium perpetuo approbamus, & confirmamus, illisque perpetuæ, & inviolabilis Apostolicæ firmitatis robur adiciamus, omnesque, & singulos, etiam consensus partium prædictarum, ac tam juris, quam facti, & solemnitate, ac quovis alios etiam substantiales defectus, si qui in præmissis, aut eorum aliquo quomodolibet intervenerint, aut intervenisse dici, vel censeari possent, supplemus, sanamus, & abrogamus; nec-

necon omnibus, & singulis Fratribus Dis-  
scalceatis praefatis cujuscumque conditionis,  
seu gradus existant, perpetuum super praemissis silentium imponimus, eisdemque sub  
praepcepto sanctae obedientiae, & sub excom-  
municationis, ac privationis vocis activae, &  
passivae, necon quorumcumque officiorum  
quae obtinent, ac perpetuae inhabilitatis ad  
alia in posterum obtinenda, poenis eo ipso  
incurrendis iniungimus, ut de caetero dictae  
Provinciae Fratres hujusmodi lites, seu con-  
troverfias quavis occasione, causa, seu praetextu  
directe, vel indirecte, per se, vel  
alios movere, vel proficui possint, nec in-  
ter se molestare, seu molestari facere quo-  
modolibet audeant, seu praesumant.

§.9. Decernentes concordiam, & trans-  
factionem praedictas, praesentesque Literas  
cum omnibus in eis contentis semper, &  
perpetuo validas, firmas, & efficaces exister-  
e, & fore, suisque plenarios, & integros  
effectus sortiri, & obtinere, ac omnibus, &  
singulis Fratribus praedictis, caeterisque ad  
quos spectat, & in futurum pro tempore  
quomodolibet spectabit, firmiter, & invio-  
labiliter in omnibus, & per omnia observa-  
ri, & adimpleri debere, nec ab illis ullo um-  
quam tempore rescindi posse; sicque ab om-  
nibus censeari, & ita per quoscumque Iudices  
ordinarios, & delegatos, etiam causarum  
Palatii Apostolici Auditores, ac Sanctae Ro-  
manae Ecclesiae Cardinales, etiam de Late-  
re Legatos, ac Sedis Apostolicae Nuncios, in  
quavis causa, & instantia judicari, & defi-  
niri debere, ac irritum, & inane si quid se-  
cus super his a quoquam quavis auctoritate  
scienter, vel ignoranter contigerit atten-  
tari.

§.10. Quocirca Venerabilibus Fratribus  
Archiepiscopo Valentino, ac Oriolienfi, &  
Carthaginensi Episcopis nunc, & pro tem-  
pore existentibus per praesentes committimus,  
& mandamus, quatenus ipsi, vel duo,  
aut unus eorum per se, vel per alium, seu  
alios, praesentes Literas, & in eis contenta  
quaecumque, ubi, & quando opus fuerit, ac  
quoties pro parte Joannis Baptistae, & Fra-  
trum praedictorum fuerint requisiti, solem-  
niter publicantes, illisque in praemissis effi-  
cacis defensionis praesidio assistentes, faciant  
auctoritate nostra concordiam, & trans-  
factionem praedictas, praesentesque Literas ab  
omnibus, ad quos spectat, & in futurum spe-  
ctabit, inviolabiliter observari, & adim-  
pleri.

§.11. Non permittentes eos desuper a  
quoquam quavis auctoritate quomodolibet  
indebite molestari, perturbari, aut in-  
quietari. Contradictores quoslibet, & re-  
belles per sententias, censuras, & poenas  
ecclesiasticas, aliaque opportuna juris, &  
facti remedia, appellatione postposita, com-  
pescendo, invocato etiam ad hoc, si opus  
fuerit, auxilio brachii secularis. Non ob-  
stantibus felic. rec. Bonifacii Papae VIII. Prae-  
decessoris nostri de una, & in Concilio Gea-  
nerali edita de duabus dietis, dummodo ul-  
tra tres dietas aliquis auctoritate praesen-  
tium in iudicium non trahatur, aliisque qui-

Decretum  
licitans.

Exequutores  
deputat.

Mandat. puni-  
vi transgressio-  
res.

buis Constitutionibus, & Ordinationibus  
Apostolicis, ac quatenus opus sit, Ordinis,  
& Provinciae praedictorum, etiam juramen-  
to, confirmatione Apostolica, vel quavis  
firmitate alia roboratis statutis, & consuetu-  
dinibus, privilegiis quoque, indultis, & Li-  
teris Apostolicis sub quibuscumque tenori-  
bus, & formis, ac cum quibusvis clausulis,  
& decretis in contrarium praemissorum quo-  
modolibet concessis, confirmatis, & inno-  
vatis. Quibus omnibus, & singulis, illorum  
tenores praesentibus pro plene, & sufficien-  
ter expressis habentes, illis aliis in suo robo-  
re permansuris, hac vice dumtaxat speciali-  
ter, & expresse derogamus, caeterisque con-  
trariis quibuscumque.

§.12. Volumus autem, quod praesen-  
tium transumptis etiam impressis, manu alic-  
ujus Notarii publici subscriptis, & sigillo  
personae in dignitate ecclesiastica constituta  
munitis eadem ubique profus adhibeatur,  
quae ipsis praesentibus adhiberetur, si  
forent exhibitae, vel ostensa.

Datum Romae apud Sanctam Mariam  
Majorem, sub Annulo Piscatoris die 22.  
Aprilis 1630. Pontificatus nostri Anno VII.

Transumptis  
credi jubet.

Dat. die 22.  
April. 1630.  
An. VII.

CCCXXXII.

Confirmatio gestorum ab Episcopo Mal-  
leacensi pro restituendo exercitio Reli-  
gionis Catholicae in Valle Pragella Tauri-  
nen. Dioecesis.

Ex Reg. in  
Secret. Breve.

URBANUS PAPA OCTAVUS

Ad futuram rei memoriam.

U Niversalis Ecclesia regimini divina  
dispositione praesidentes, in eam po-  
tissimum curam incumbimus, ut evulsis ex  
agro dominico nocuis perniciosarum haer-  
esum stirpibus, ex superferantur planta-  
e, quae copiosum in eodem agro fructum va-  
leant producere, & propterea, si quid in  
praemissis provide factum, & ordinatum  
fuisse accipimus, illud, quo firmiter subsistat,  
apostolica firmitatis robore communi-  
mus, aliasque in hoc sollicitudinis nostrae  
partes interponimus, prout conspiciemus in  
Domino salubriter expedire.

Exordium.

§.1. Exponi siquidem Nobis nuper fecit  
charissimus in Christo filius noster Ludovi-  
cus Francorum Rex Christianissimus, quod  
cum ipse Rex pro sua avita, & a majoribus  
suis Christianissimis Regibus, quasi haereditario  
jure accepta in Deum pietate, necon  
Catholicae Religionis studio, ejusdem Catho-  
licae Religionis exercitium restitui cura-  
ret in Valle Pragella Taurinen. Dioecesis,  
quae ab Anno 1147. diversarum haeresum  
labe infecta fuerat, & in qua licet Religio-  
nis Catholicae usus clar. mem. Ludovi-  
co XII. eorumdem Francorum Regem in  
Italiam transente, restitutus fuisset, ab ea  
tamen favientibus postmodum per illas par-  
tes bellis ita exterminatus fuerat, ut nec  
Archiepiscopi Taurinen., nec Praepositi  
Mona-

Padi scies.

Monasterii de Oulz Canonicorum Regularium  
Ordinis S. Augustini, aut alij praerititi  
dictae Vallis ordinarii ullum inibi actum ju-  
risdictionis ecclesiasticae exercere potuerint,  
praeter bo: me: duos ultimos Archiepisco-  
pos Taurinen., qui in medio dictae Vallis  
agro in signum sui juris, & possessionis sa-  
crofanctum Missae sacrificium celebrari fe-  
cerunt; Ven. Frater Henricus Episcopus  
Malleacen. ad restitutionem ejusdem Reli-  
gionis in dicta Valle exequendam, auctori-  
tate apostolica deputatus, attenta contro-  
versia inter modernum, seu tunc existentem  
Vicarium Capitularem Ecclesiae Taurinen.,  
illius Sede Archiepiscopali vacante deputa-  
tum ex una, & Hieronymum de Birago Vi-  
carium Praepositurae dicti Monasterii dilectus  
filius ex altera partibus super jurisdic-  
tione spiritali dictae Vallis orta, se ad  
eamdem Vallem transtulit, ibique cum co-  
ram se, & aliis ad id etiam deputatis officia-  
libus, convocatis Consulibus, & Ministris  
praecipuis, aliisque senioribus dictae Vallis  
Incolis, previo Juramento ab eis accepisset,  
in Burgo de Mentouille olim unum Prioratu  
curatum dicti Ordinis S. Augustini, a  
dicta Praepositura dependentem, necon  
quinque Parochias in dicta Valle, tam inde  
Fenestrelle, & Usseau, quam aliis illius lo-  
cis extitisse, capta visitatione in dicto Bur-  
go de Mentouille, expulsisque haereticis ex  
aedificiis, & Domibus, quae dicti Haeretici  
sibi super ruinis Ecclesiae, & Terris Prioratu  
praedicti construxerant, dictus Henricus  
Episcopus, aedificiis hujusmodi ad formam  
Ecclesiae redactis, Ecclesiam ipsam conle-  
cravit, in illiusque, ac ejus Domus, & Ter-  
rarum ei adiacentium possessionem dile-  
ctum filium Michaellem Orcell. Canonicum  
Regularem dicti Ordinis de dicto Prioratu  
canonice provifum ad deinceps possessionem  
hujusmodi utendum, & fruendum, illiusque  
Decimas, & redditus percipiendum, prout  
dicti Prioratus Priores, antequam ille ab ha-  
reticis occuparetur, uti, & frui, ac perci-  
pere potuerunt, induxit, deinde ad locum  
de Fenestrelle se contulit, cumque ibi pra-  
via desuper capta informatione similiter ac-  
cepisset locum, in quo sepeliebantur haereti-  
ci, fuisse olim Coemeterium Catholicorum,  
in illoque etiam eorum Ecclesiam, &  
Domum Parochiales fuisse, expulsisque praete-  
rea exinde haereticis, ibi donec liquidatio  
aliorum terrarum, Decimarum, & bono-  
rum ad Parochialem Ecclesiam hujusmodi  
pertinentium, & ad unius Parochi susten-  
tationem sufficientium facta fuerit, duos  
Ordinis Fratrum Minorum S. Francisci de  
Observantia nuncupat. professores consti-  
tuit, illisque unam Domum pro eorum ha-  
bitatione locari curavit, & in uno ex dictae  
Domus cubiculo ab omnibus domesticis  
usibus libero, ac decenter ornato, & ad for-  
mam Oratorii redacto, sacrosanctum Missae  
sacrificium publice celebrandi licentiam  
concessit, donec eis Ecclesia, Domusque  
regularis constructae fuerint, & subinde ad  
locum de Usseau translatus, expulsisque pari-  
ter haereticis ex Coemeterio Catholicorum,

in quo aliis etiam Parochialis Ecclesia fue-  
rat, ibi duos Societatis Jesu Presbyteros  
constituit, donec bona Ecclesiasticorum ibi  
ab haereticis usurpata, recognita fuerint,  
eisque quamdam Cappellam Pagi de Pour-  
rieres, quam a Parochiali Ecclesia loci de  
Usseau dependisse acceperat, regendam, &  
deserviendam concessit; & cum ad Pagum  
de Rua accessisset, illumque visitasset, ibi-  
que nihil aliud, quam quemdam locum  
amplum vacuum reperisset, in quo olim  
Ecclesia Parochialis, & Coemeterium dicti  
loci existebant, duos Presbyteros Congre-  
gationis Doctrinae Christianae, donec liqui-  
datio terrarum, Decimarum, & aliorum  
bonorum spectan. ad dictam Ecclesiam fa-  
cta fuerit, in loci hujusmodi possessionem  
induxit, & iis quamdam Domum locari si-  
militer curavit, eisque omnium a Parochia-  
li Ecclesia dicti loci dependentium curam,  
& administrationem, tam a Pago de Traude-  
ses, quam usque ad locum Collum de Si-  
strieres nuncupat. demandavit, & posthac  
ad Pagum de Villaret se contulit, ibique  
cum ejus Cappellam fere ruinofam ab ha-  
reticis occupatam reperisset, illis inde ex-  
pulsis, eam Fratribus Ordinis Minorum S.  
Francisci Capuccinorum nuncupat. oppor-  
tunam suae missionis facultatem super hoc a  
Sede Apostolica obtentam exhibentibus,  
concessit, illisque donec aliquod Hospitium  
constructum sit, unum Cubiculum in Do-  
mo Prioris Prioratus de Mentouille assi-  
gnari curavit. Quibus peractis ordinavit, ut  
dicti Professores, ac Fratres, & Presbyteri  
in sua quisque missione actualiter, aut alio  
eorum loco residere teneantur, quia vero  
Decima, Terra, & alia bona spectantia ad  
Parochos, & Ecclesiasticos dictae Vallis sunt  
omnino adhuc ab haereticis possessa, & usur-  
pata, pro sustentatione cujusque ex dictis  
missionibus summam 300. librarum mone-  
tae illarum partium e pecuniis dicti Ludovi-  
ci Regis in manibus Archiepiscopi Ebre-  
dunen. ad effectum eas illis distribuendi con-  
signandam sub dicti Ludovici Regis bene-  
placito assignavit, & ad evitandam confu-  
sionem, quae oriri posset inter dictos Missio-  
narios, sub nostro, & Sedis Apostolica be-  
neplacito, ordinavit, ut fratres Capuccini  
hujusmodi omnium locorum curam gerant,  
quae a confinibus dictae Vallis a la Perouse  
nuncupate usque ad dictam Terram de  
Mentouille reperiuntur; Fratres vero Mino-  
res de observantia nuncupati praedicti Burgi  
de Fenestrelles, & Pagorum ab ejus Paro-  
chiali Ecclesia dependentium; Presbyteri  
Societatis Jesu Burgi de Usseau, & pagi de  
Pourrieres, aliorumque locorum intra li-  
mites Parochiae dicti Burgi, usque ad limi-  
tes Parochiae de Rua existentium. Presbyte-  
ri autem Congregationis doctrinae christia-  
nae Burgi de Rua, & pagi de des Traverfes,  
& aliorum locorum dictae Vallis, usque ad  
locum Col de Sistrieres, vulgo nuncupatum,  
curam habeant. Postremo cum eidem Ar-  
chiepiscopo, captis, quas potuit capere, in-  
formationibus, constitisset, in dicto loco de  
Mentouille Prioratum praedictum tantum  
exti-